

永樂大典

卷二二三
水字

卷二二三
水字

卷二二三
水字

卷二二三
水字

永樂大典卷之一萬一千一百三十一 八

水

水經五

水經濁漳水出上黨長子縣西發鳩山之漳水焉。出蘇谷與發鳩連麓而逕也。淮南子謂之發苞山故異名牙見也。左則陽泉水注之。右則散蓋水鳩之。三源同出一山。但以南北為別耳。東過其縣南。又東免水自西山東北流逕免廟北。又東逕長子縣故城南。國史辛甲所封邑也。春秋襄公十八年。晉人執衛石買於長子。即是縣也。秦置上黨郡治此也。其水東北流入漳水。漳水東會于梁水。梁水出南梁山。北流至長子縣故城南。竹書紀年曰。梁惠成王十二年。鄭取屯留。尚子淇。尚子即長子之異名也。梁水入北入漳水。屈從縣東北流注。陶水南出南陶。北流至長子城。東西轉逕其城北。東注于漳水。又東過壺關縣北。又東北過屯留縣。漳水東逕屯留縣南。入屈逕其城東。東北流有絳水注之。絳水西出穀遠縣東。發鳩之谷。謂之絳水。西出穀遠縣為潞水也。東逕屯留縣故城南。故留吁國也。潞氏之屬。春秋襄公十八年。晉人執孫蒯於屯留是也。其水東北流入于漳。故桑欽云。

絳水也。留西南入漳。漳水又東。陳水注之。水出西發鳩山。東逕余吾縣故城南。漢光武建武六年。封景丹高子為侯國。陳水又東。逕屯留縣故城北。竹書紀年。梁惠成王元年。韓共侯趙成侯。遷晉桓于屯留。史記趙肅侯奪晉君端氏而徙居之。此矣。其水又東。流注于漳。故許慎曰。水出發鳩山。入關。從水章聲也。漳水逕壺關縣故縣西。入屈。逕其城北。故黎國也。有黎亭縣。有壺口關。故曰壺關矣。呂后元年。立孝惠後宮子武為侯國。漢有壺關三老。公乘。與上書詔衛太子即邑人也。縣在屯留東。不得先壺關而後屯留也。漳水歷底臺山。與鞏水合。水出銅鞮縣西北石磴山。東流與專池水合。出八持山。東北流入銅鞮水。銅鞮水入東南。逕女謀水。西北好松山。東南流。北則葦池水與公主水合。而石注之。南則榆交水與皇后水合。而左入焉。亂流東南。注于銅鞮。鞏水東李意墓前有碑。碑石破碎。故李氏以太和元年立之。其水又東。逕故城北。城在山阜之上。下臨岫壑。東西北三面。岨。案二里。世謂之斷華城。即故縣之上。虢亭也。銅鞮水入東。逕銅鞮縣故城北。城在水南山中。晉大夫羊舌赤銅鞮伯華之邑也。漢高祖破韓王信於此縣也。銅鞮水又東南。流逕項城西。即縣之下。虢聚也。地理志曰。縣有上虢亭。下虢聚者也。銅鞮入南。逕胡邑西。入東。屈逕其城南。又東。逕襄

垣縣入于漳。漳水入東北流逕襄垣縣故城南。王莽之上黨亭。潞縣北。縣故亦崔潞子國也。其相豐舒有雋才而不以茂德。晉伯宗數其五罪。使荀林父滅之。閻駟曰。有潞水為冀州浸。即漳水也。今案燕書王猛與慕容評相遇於潞川也。郭國山泉鬻水與軍人絹。臣水二石。佗大川可以為浸。所有巨浪長流。唯漳水耳。故世人亦謂濁漳為潞水矣。縣北對故壁臺。漳水逕其南。本潞子所立也。世名之為臺壁也。慕容無伐慕容永於長子軍次潞川。永率精兵拒戰。沮河自固。無陣壁臺一戰破之。則是處也。漳水於是左右黃頰水口水出壁臺西。張譚巖下。世傳巖亦則土離兵害。故惡其變化無常。恒以石粉汙之。今白。是以俗目之為張譚巖。其水南流逕臺壁西。入南入于漳。漳水又東北歷望天山。山之南有石人。貯於山上。狀有懷於雲表。因以名焉。有洹水西出覆轍山。而東流與西湯溪水合。出涅縣西山湯谷。五泉俱會。謂之五會之泉。交東南流謂之西湯水。又東南流注涅水。又東逕涅縣故城南。縣氏涅水也。東與白鷄水出縣之西山。東逕其縣北。東南流入涅水。涅水又東南與武鄉水會焉。水源出武山西南。逕武鄉縣故城西。而南出得清谷口水源出東北長山清谷。西南與輶輅白壁二水合。南入武鄉水。人而得黃水口。黃水三源同主一壑。東南流與隱室水合。

水源西北出隱室山東南注黃水。又東入武鄉水。武鄉水又東南注于涅水。涅水又東南流注于漳水。漳水又東逕碯陽城北。倉石水入焉。水出林慮縣之倉石溪。東北逕魯班門西闕昂藏石壁霞舉左右結石脩防崇基仍嶠北逕偏橋東。即林慮之嶠嶺抱犢固也。石磴西陞陟踵脩上五里餘。嶠路中斷。四五丈中以木為偏橋。方得通行。亦言故有偏橋之名矣。自上猶須攀蘿捫葛。方乃自津山頂即庚辰墜處也。倉室溪水。又北合白水溪。溪水出壺關縣東。白水川東逕百畝城北。蓋同仇池百頃之稱矣。又東逕林慮縣之石門谷。又注于蒼溪水。人北逕碯陽城東。而北流注于漳水。漳水又東逕葛公亭北。而東去矣。又東過武安縣。漳水於縣東清水自涉縣東南來注流之。世謂決入之所為交漳口也。又東出山過鄴縣西。漳水又東逕三戶峽為三戶津。張晏曰。三戶地名也。在梁期西南。孟康曰。津。峽名也。在鄴西四十里。又東汙水注之。水出武安縣山東南。流逕于城北。昔項羽與蒲將軍英布濟自三戶破章邯於是水。汙水東注于漳水。漳水又東逕武城南。世謂之梁期城。梁期在鄴北。俗亦謂之兩期城。皆為非也。司馬彪郡國志曰。鄴縣有武城。武城即期城矣。漳水又東北逕西門豹祠。祠前東側有碑隱起為字。祠室東頭石柱勒銘曰。趙建武中所脩也。魏文帝述

狂賦曰。羨西門之嘉遯。忽遂睇其靈宇。漳水石與枝水合。其水上承漳水於邯鄲西而東別於邯鄲水合。水發源邯山。水北逕邯鄲縣故城西北。注漳水。故曰邯鄲也。張晏曰。漳水之別自城西南與邯山之水會。今城旁猶有溝渠存焉。漢武帝元朔二年。封趙敬肅王子劉仁為侯國。其水又東北入于漳。昔魏文侯以西門豹為邯鄲令也。引漳以溉鄲。民賴其用。其後至魏襄王以吏起為邯鄲令。又堰漳水以灌鄲田。咸成沃壤。百姓歌之。魏武王入塲漳水迴流東注。號天井堰。里中作十二塋。塋相去三百步。令牙相灌注。一源分為十二流。皆懸水門。陸氏鄲中記云。水所溉之處名曰晏陂澤。故左思之賦。魏鄲也。謂塋流十二。同源異口者也。魏武之攻鄲也。引漳水以圍之。獻帝春秋曰。司空鄲城圍四十里。初淺而狹。如或可越。審配不出爭利。望而笑之。司空一夜增修廣深二丈。引漳水以注之。遂拔鄲。本齊桓公所置也。故管子曰。築五廐中牟鄲以衛諸夏也。後屬晉。魏文侯七年始封此地。故曰魏也。漢高帝十二年置魏郡。治鄲縣。王莽更名魏城。後分魏郡置東西部都尉。故曰三魏。武又以郡國之舊引漳流自城西東入。逕銅雀臺下。伏流入城東注。謂之長明溝也。渠水又南逕止車門下。魏武封於鄲。為北宮。宮有文昌殿。溝水南北夾道枝流。引灌所在。通既東出石竇下注。

之涅水。故魏武登臺賦曰。引長明溝街里謂此渠也。石氏於文昌故殿處造東西大武二殿。於濟北較城之山採大石為基。一基下五百武。直宿衛屈柱趺瓦。悉鑄銅為之。金漆圖飾焉。又徙長安雋陽銅人置諸宮前。以華國也。城之西北有三臺。皆因城為之基。巍然崇舉。其高若山。建安十五年魏武所起平坦略盡。春秋古地名。今鄴西臺是也。謂臺已平。或更有見。意所未詳。其中曰銅臺。高十丈。有屋百餘間。臺成命諸子登之。並使為賦。陳思王下筆成章。美捷當時。亦魏武望奉常王叔治之矣也。昔嚴才與其屬攻掖門。脩閤變。車馬未至。便將官屬步至官門。太祖在銅雀臺望見之曰。彼來者必王叔治也。相國鍾繇曰。舊京城有變。九卿各居其府。卿何來也。脩曰。食其祿焉。避其難。居府雖舊。非赴難之義。時人以為美談矣。石虎更增二丈。立一屋。連棟接檼。彌覆其上。盤迴牖之。名曰命子窟。又於屋上起五層樓。高十五丈。去地二十七丈。又作銅雀於樓巔。舒翼若飛。南則金雀臺高八丈。有屋一百九間。北曰水井臺。亦高八丈。有屋一百四十間。上有冰室。室有數井。井深十五丈。藏冰及石墨焉。石墨可書。人然之難盡。亦謂之石炭。人有栗客及鹽。以備不虞。今窖上猶有石銘存焉。左思魏都賦曰。三臺列峙而峙嶠者也。城有七門。南曰鳳陽門。中曰中陽門。次曰

廣陽門。東曰建春門。北曰廣德門。次曰廐門。西曰金明門。一曰白門。鳳陽門三臺洞開。高三十五丈。石氏作層觀架其上。置銅鳳頭高一丈六尺。東城上石氏立東明觀。觀上加金博山。謂之鑄天。北城上有齊午樓。超出群榭。孤高特立。其城東西七里。南北五里。解表以塼。百步一樓。凡諸宮殿門臺隅堦皆加觀榭。層甍反宇。飛檐拂雲。圖以丹青。色以輕素。當其全盛之時。去鄴六七十里。遠望茗亭。觀若仙居。魏因漢祚。復都洛陽。以譙為先人本國。許昌為漢之所居。長安為西京之遺迹。鄴為王業之本基。故號五都也。今相州刺史及魏郡治漳水自豹祠北。遂趙閼。馬臺西基高五丈。列觀其上。石虎每講武於其下。升觀以望之。虎自於臺上放鳴鏑之矢。以為軍騎出入之節矣。漳水又北。迤蔡陌西。戰國之世。俗巫為河伯。取婦祭於此陌。魏文侯時。西門豹為鄴令。約諸三老曰。河伯取婦。幸來告知。吾欲送女。皆曰諾。至時三老廷榭。賦歛百姓取錢百萬。巫現行里中。有好女者。况當為河伯婦。以錢三萬。娉女沐浴脂粉如嫁狀。豹往會之。三老巫榭與民咸集赴觀。巫榭年七十。從十女弟子。豹呼婦視之。以為非妙。令巫榭入。解河伯。投至於河中。有頃曰何久也。又令三弟子及三老入。白並投於河。豹聲折曰。三老不來奈何。復欲使廷榭豪長趣之。皆叩頭流血。乞不為河伯取

婦。漢祀難斷地留今陌之稱焉。又慕容儁投石虎尸處也。田融以為紫陌也。趙建武十一年。造紫陌浮橋於水上。為佛圖澄先造生墓於紫陌。建武十五年卒。十二月葬焉。即此處也。漳水右對趙氏臨漳宮。宮在桑梓苑。多桑木。故苑有其名。三月三日及始蠶之月。虎帥皇后及夫人採桑於此。今地有遺桑。牆無尺雜矣。漳水又北。溢水入。又東。逕梁期城南。地理風俗記曰。鄴北五十里有梁期城。故縣也。漢武帝元鼎五年。封任破為侯國。晉惠帝永興元年。驃騎王浚遣烏丸。湯末逕至梁期。候騎到鄴。成都王穎遣將軍石超討末。為末所敗於此也。逕平陽城北。竹書紀年曰。梁惠成王元年。鄴師邯鄲師於平陽者也。司馬彪郡國志曰。鄴有平陽城。即此地也。又東。過列人縣南。漳水又東。右逕丘丘縣北。即裴縣故城南。王莽更名之曰。即是也。地理風俗記曰。列人縣西南六十里。即裴城故縣也。漳水又東北。逕列人縣故城南。王莽更名之為列治也。竹書紀年曰。梁惠成王八年。惠成王伐邯鄲。取列人者也。於縣右合白渠。故濟白渠水。水出魏郡武安縣欽口山。東南流。逕邯鄲縣南。又東。與柏澗水合。水導源武始東山。白渠北。俗猶為是水。為柯河也。白渠水又東。入有牛首水。入焉。水出邯鄲縣西堵山。東流。分為二水。洪濤雙逝。滏陽兩川。漢景帝時。六國悖逆。命曲周侯酈寄。

攻趙閭邯鄲。相持七日。引牛首拘水灌城。城壞。王自殺。其水東入邯鄲城。
遷溫明尉南。漢世祖擒王郎卒邯鄲。盡其處也。其水又東。逕叢臺南。六國
時趙王之臺也。郡國志曰。邯鄲有叢臺。故劉劭趙郡賦曰。結雲閣於南宇。
立叢臺於少陽者也。今遺基舊牆尚在。其水又東。歷邯鄲阜。張晏所謂邯
山。在東城下者也。曰叢臺也。城郭從邑故加邑。邯鄲之名。蓋指此以立稱
矣。趙郡治也。長沙舊傳稱桓桓為趙郡太守。嘗有遺囊粟於路者。行人掛
囊粟於樹。莫敢取之。即於是處也。其水又東。流出城。又合成一川也。又東
澄而為清沁水。東南流注拘潤水。又東入白渠。又東故漬出焉。一水東為
澤渚。曲梁縣之鵝澤也。國語所謂雞丘矣。東北通澄湖。白渠故漬。南出所
在枝分。右出即邯溝也。歷邯溝縣故城東。蓋因溝以氏縣也。地理風俗記
曰。即裴城西北二十里有邯溝城故縣也。又東逕肥鄉縣故城北。竹書紀
年曰。梁惠王八年。伐邯取肥者也。晉書地道記曰。太康中立以錄廣平也。
渠道交後。牙相纏摩。與白渠同歸。逕列人石會漳津。今無水。地理志曰。白
渠東至列人入漳是也。又東北過斥漳縣南。應劭曰。其國斥鹵。故曰斥漳。
漢獻帝建安十八年。魏太祖鑿渠引漳水東入清洹。以通河漕。名曰利漕。
渠漳津故漬水舊斷。溪東北出。洧流灌注而已。尚書所謂覃懷底績。至于

衡漳者也。孔安國曰。衡。橫也。言輦漳水橫派也。又東北逕平恩縣故城西。應劭曰。縣故館陶之別鄉。漢元帝元康三年。置以封后父許伯為侯國。王莽更曰疋平也。又東北過曲周縣東。又東北過鉅鹿縣東。衡漳故清東北逕南曲縣故城西。地理志。廣平有曲周縣。應劭曰。平恩縣北四十里有南曲亭故縣也。又逕曲周縣故城東。地理志曰。漢武帝建元四年。置王莽更名直周。余案史記大將軍酈商以高祖六年封曲周縣為侯國。又考史記同是知曲周舊縣。非始孝武。蓋商冀州人。在縣市補履數年。人奇其不老。求其術而不能得也。衡漳又北逕巨橋抵閭西。舊有大梁橫水。故有巨橋之稱。昔武王伐紂。發巨橋之粟以賑殷之飢民。服虔曰。巨橋倉名。鉅鹿水之大橋也。今臨側水涓左右方一二里。中狀若丘壑。蓋遺國故害處也。衡水又北逕鉅鹿縣故城東。應劭曰。鹿者林之大也。尚書曰。堯將禪舜。納之大麓之野。烈風雷雨不迷。欽之以昭華之玉。而縣取日焉。路溫舒縣之東里人。反為里監門使溫舒牧羊澤中。取蒲櫟用寫書。即此澤也。鉅鹿郡治秦始皇二十五年滅趙。以為鉅鹿郡。漢景帝中元年為廣平郡。武帝征和三年。以封趙敬肅王子為廣平侯國。世祖中興更為鉅鹿也。酈玄注尚書引地說云。大河東北流過絳水千里至大陸為地腹。如志之言大陸在鉅

廉。地理志曰。水在安平信都。鉅廉與信都相去不容此數也。水土之名變易世失其度。見降水則以為絳水。故依而廢讀。或作絳字非也。今河內北共山淇水共水出焉。東至魏郡黎陽入河。近所謂降水也。降讀當如城降于齊師之降。蓋周時國於地者。惡言降。故改之共耳。又今何所從去大陸遠矣。鉅陶北也。氏河其故道與余紫薊玄據尚書有東過洛汭至于大伾。北過降水。至于大陸。推次言之。故以淇水為降水。共城為降城。所未詳也。稽之群書。共縣故本共和之故國。是有共名。不惡降而更稱。禹著山經。淇出沮洳。淇澳衛詩列目。又遠當非改絳革為今號。但是水導源共出北玄。欲固成降議。故以淇水為降水耳。即如玄引地說黎陽鉅廉非千里之逕。直信都於大陸者也。唯屯氏北出鉅陶事近之矣。紫地理志云。絳水發源屯氏下。亂章津。是乃與章俱得通稱。故水派間闕。所在著目。信都復見絳名而東于海。尋其川。况無佗殊濱而衡漳舊道與屯相亂。乃書有過絳之地說。與千里之誌。即之逕致與書相隣河之過絳。當應此矣。下至大陸。不異經說。自竄迄于鉅廉。出于東北。皆為大陸。語之纏絡。厥勢眇矣。九河既播。八牧代絕。遺跡故稱。往往時存。故禹能列於東北。徒駭濱。漳絳同運之狀。粗分。陂障之會。猶在。紫經考清自安。故目矣。漳水又歷經縣。故城西。

水有故津。謂之薄落津。昔袁本初遷自易京。上已屆此。率其賓從。襁飲於斯津矣。衡漳入逕沙丘臺東。紂所成也。在鉅鹿故城東北七十里。趙武靈王與秦始皇並死於此矣。又逕銅馬祠東。漢光武廟。更始三年秋。光武追銅馬於館陶。大破之。遂降之。賊不自安。世祖令其歸營。乃輕騎行其壘。賊乃相謂曰。蕭王推赤心置人腹中。安得不投死乎。遂將降人。分配諸將衆數十萬人。故關西號世祖曰銅馬帝也。祠取名馬。廟側有碑述河內脩武縣張導字景明以建和三年為鉅鹿太守。漳津汎濫。上不稼穡。導披按地圖。與丞彭參掾馬道蒿等原其逆順。揆其表裏。修防排通。正水路。功績有成。民用嘉賴。題云漳河神壇碑。而俗老耆儒。猶謁斯廟為銅馬劉神寺。是碑項因震裂餘半不可復識矣。又逕南宮縣故城西。漢惠帝元年。以封張越人子。買為侯國。王莽之序中也。其水與隅醴通為衡津。又有長蘆。淫水之名。絳水之稱矣。今漳水既斷。絳水非復纏絡矣。又北絳漬出焉。今無水。故漬東南逕九門城南。入東南逕南宮城北。入東南逕綠城縣故城北。十三州志曰。綠縣東五十里有綠城故縣也。左逕安城南。故信都之安城鄉也。更始二年。和城太守邵彤與上會信都南安城鄉。上大悅。即此處也。故漬又東北逕辟陽亭。漢高帝六年封審食其為侯國。王莽之樂信也。地理

風俗記曰。廣川西南六十里有辟陽亭故縣也。絳漬又北逕信都城。東散入澤潯。四至于信都城。東連于廣川縣之張甲。故漬同歸于海。故地理志曰。禹貢絳水在信都東入于海也。又北過堂陽縣西。衡水自壘分為二水。其一水北出逕縣故城西。世祖自信都以四千人先攻堂陽。降水者也。水上有梁。謂之旅津渡。商旅所濟故也。其石水東北注出石門。門石崩禿。餘基殆在。謂之長蘆水。蓋變引葭之名也。長蘆水更逕堂陽縣故城南。應劭曰。縣在堂水之陽。故梁傳曰。水北為陽也。今於故縣城南更無別水。唯是水東出可以當之。斯水蓋包堂水之無稱矣。長蘆水入東逕九門坡。故縣也。又東逕扶都縣故城南。世祖建武三十年。封寇詢子揖為侯國。又東屈北逕信都縣故城西。信都郡治也。漢高帝六年置。帝二年為廣川。惠王趙國王莽更為新博縣。曰新博亭。光武自薊至信都是也。明帝永平十五年。更名樂成。安帝延光中改曰安平城。內有漢冀州從事安平趙徵碑。又有魏冀州刺史陳留丁紹碑。青龍三年立。城南有獻帝南巡碑。其水側城北注入北逕安陽城東。又北逕武陽城東。十三州志曰。扶柳縣東北有武陽城。故縣也。又北為博廣池。池多名。蟹佳。蝦蟇貢。王朝以充膳府。又北逕下博縣故城東。而北流注于衡水也。又東北過扶柳縣北。又東過信都縣西。

扶柳縣故城在信都城西。衡水逕其西。縣有扶澤。澤中多柳。故曰扶柳也。衡水入北逕昌城縣故城西。地理志曰。信都有昌城縣。漢武帝以封城陽項王子劉敖為侯國。闕駟曰。昌城本名阜城矣。應劭曰。堂陽縣北三十里有昌城故縣也。世祖之下堂陽。昌城人劉植。率宗親子弟據邑以奉世祖是也。又逕西梁縣故城東。地理風俗記曰。扶柳縣西北五十里。有梁城故縣也。世以為五梁城。蓋字狀致謬耳。衡漳入東北逕排縣故城北。漢高祖十二年。封劉襄為侯國。王莽改之曰桓公也。合斯文故漬。斯汶水首投大白渠。大白渠首投綿蔓水。綿蔓水上承桃水。水出樂平郡之上艾縣東流。世謂之曰桃水。東逕靖陽亭南故闕城也。及北流逕井陘關。下注澤發水。亂流東北。逕常山蒲吾縣西。而桃水出焉。南逕蒲吾縣故城西。又東南流逕桑中縣故城北。世謂之石勒城。蓋趙氏增成之。故檀其目。俗又謂之高功城也。地理志曰。侯國也。桃水入東南流逕綿蔓縣故城北。王莽之綿延也。世祖建武二年。封郭況為侯國。自下通謂之綿蔓水。綿蔓水又東流逕樂陽縣故城西。右合井陘山水。水出井陘山。世謂之康泉水也。東北流屈逕陳餘壘。而俗謂之故壁城。昔在楚漢。韓信東入。餘拒之於此。不納。左車之計。悉衆西戰。信遣奇兵自間道出立幟於其壘。師奔失據。遂死。泚上其

水又屈逕其壘南。又南逕城西。東注綿蔓水。綿蔓水又屈從城南。俗名曰臨清城。非也。地理志曰：侯國矣。王莽更之曰申苗者也。東觀漢書曰：光武使鄧禹發房子兵二千人，以鉞期為偏將軍，別攻真定。宋子餘賊，拔樂陽，稟肥壘者也。綿蔓水又東逕烏子堰，枝津出焉。又東為之太白渠。地理志所謂首受綿蔓者也。白渠水又東南逕開縣故城北。地理志曰：常山之屬縣也。又東為成郎河水，上有大梁，謂之成郎橋。又東逕耿鄉南。世祖封前將軍耿純為侯國。世謂之宜安城。又東逕宋子縣故城北。又謂之宋子河。漢高帝八年，封許廣為侯國。王莽更名宜子。昔新離擊筑，傳工自此入秦。又東逕耿武縣故城北。輦地理志曰：鉅鹿之屬縣也。漢元帝封女敬武公主為湯沐邑。關駟十三州記曰：楊氏縣北四十里，有武亭故縣也。今其城實中小邑耳。故俗名之曰耿武壘，即古邑也。白渠又東謂之斯凌水。地理志曰：大白渠東至曲陽入洧河者也。東分為二水：枝津右出焉。東南流謂之百尺溝。又東南逕和城北。世謂之初丘城，非也。漢高帝十一年，封郎中公孫耳為侯國。又東南逕育城西。漢高帝六年，封呂博為侯國。百尺溝東南散流逕度鄉東，而南入砥湖。東注衡水也。斯凌水自枝津東逕育城北，又東積而為陂，謂之陽陂湖。湖水左納白渠枝水，俗謂之祗水。水承白渠。

於藁縣之烏子壠。又東逕肥藁縣之故城南。又東逕陳臺南。臺甚寬廣。今上陽臺也。居之。又東逕新豐城北。案地理志云。鉅鹿有新市縣侯國也。王莽更之曰樂市。而無新豐之目。所未詳矣。其水又東逕昔陽城南。世謂之曰直陽。非也。本鼓聚矣。春秋左傳昭公十五年。晉荀吳帥師伐鮮虞。圍鼓。三月。鼓謂降穆子曰。猶有食邑不許。軍吏曰。獲城而弗取。何以事君。穆子曰。獲一邑而教民怠。將焉用邑也。實怠無卒。弃皆不祥。鼓人能事其君。我亦能事吾君。率義不爽。好惡不愆。城可獲也。有死義而無二心。不亦可乎。鼓人告食竭力盡而後取之。剋鼓而返。不戮一人。以鼓子爲鞮歸。既獻而返之。鼓子又殺荀吳略東陽。使師僞鞮。負甲息於門。襲而滅之。以鼓子爲鞮歸。使涉佗守之者也。十三州志曰。今其城昔陽亭是矣。京相璠曰。白狄之別也。下曲陽有鼓聚。故鼓子國也。白渠泆水。又東逕曲陽城北。又逕安鄉縣故城。地理志曰。侯國也。又東逕育縣。入斯汶水。又東逕西梁城南。又東北逕樂信縣城南。地理志曰。鉅鹿縣侯國也。又東入衡水。又北爲表譚渡。蓋譚自鄆往還所由。故濟得厥名。又東北過下博縣之西。衡水又北逕鄆縣故城東。竹書紀年。梁惠成王三十年。秦封衛鞅于鄆。改名曰商。即此是也。故王莽改曰秦聚也。地理風俗記曰。縣北有鄆阜。蓋縣氏之。又右逕